



REPUBLIKA E SHQIPËRISË

AUTORITETI KOMBËTAR PËR SIGURINË KIBERNETIKE

Nr. 2065 Prot.

Tiranë më, 27.06. 2025

UDHËZIM

Nr. 2, datë 27.06.2025

PËR

**PROCEDURËN DHE KRITERET E APLIKIMIT PËR REGJISTRIMIN E
ORGANEVE TË VLERËSIMIT TË KONFORMITETIT PËR SIGURINË
KIBERNETIKE PRANË AUTORITETIT KOMBËTAR PËR SIGURINË
KIBERNETIKE**

Në mbështetje të pikës 2, të nenit 42, të ligjit nr. 25/2024 “Për Sigurinë Kibernetike”,

UDHËZON:

1. Të gjithë personat juridik, vendas apo të huaj që kërkojnë të regjistrohen pranë Autoritetit Kombëtar për Sigurinë Kibernetike, si Organe të Vlerësimit të Konformitetit për Sigurinë Kibernetike për të kryer vlerësimet dhe testimet e konformitetit të produkteve, shërbimeve dhe proceseve TIK, sipas skemës së certifikimit të sigurisë kibernetike, duhet të plotësojnë kriteret e mëposhtme:
 - a) të jenë të akredituar nga Autoriteti përgjegjës për akreditimin;
 - b) të jenë të regjistruar pranë Qendrës Kombëtare të Biznesit si person juridik me status aktiv;
 - c) të mos jenë në ndjekje penale;
 - ç) të mos jenë në proces gjyqësor lidhur me ushtrimin e aktivitetit;
 - d) të mos jenë i dënuar nga organet gjyqësore;
 - dh) të mos kenë detyrime tatimore të pa paguara;
 - e) të mos jenë në proces falimentimi apo likuidimi;
 - ë) të jenë të pavarur nga ana ligjore, financiare dhe vendimarrja nga organizata ose produktet TIK, shërbimet e TIK ose proceset TIK që vlerësojnë.
 - f) të mos jenë në proces ekzekutimi të detyrueshëm për detyrime pasurore të pashlyera në zyrën e përmbartimit gjyqësor;
 - g) të kenë personel kompetent dhe të kualifikuar që zotëron ekspertizën dhe njohuritë e nevojshme teknike në lidhje me fushën specifike të vlerësimit të konformitetit;

- gj) të kenë kapacitetet dhe aftësi organizative, teknike e fizike dhe i plotëson standardet e përcaktuara për njohjen, ruajtjen dhe administrimin e informacionit të klasifikuar në përputhje me legjislacionin në fuqi për informacionin e klasifikuar.
 - h) të kenë personel që plotëson kushtet e përcaktuara për njohjen, ruajtjen, administrimin dhe transferimin e informacionit të klasifikuar në përputhje me legjislacionin në fuqi për informacionin e klasifikuar.
2. Personi juridik për t'u regjistruar pranë Autoritetit Kombëtar për Sigurinë Kibernetike si Organ i Vlerësimit të Konformitetit për Sigurinë Kibernetike duhet të paraqesë dokumentat si më poshtë:
- a) certifikatën e akreditimit nga Autoriteti përgjegjës për akreditimin në Republikën e Shqipërisë ose ndërkombëtar;
 - b) ekstraktin nga QKB-ja, ku të vërtetohet se shoqëria është me status aktiv;
 - c) vërtetim të lëshuar nga Prokuroria pranë Gjykatave të Juridiksionit përkatës se ndaj subjektit nuk është filluar çështje penale që ka lidhje me aktivitetin;
 - ç) vërtetim të lëshuar nga Gjykata e Juridiksionit përkatës se nuk është në proces gjyqësor lidhur me aktivitetin;
 - d) vërtetim të gjendjes gjyqësore që tregon se subjekti nuk është i dënuar;
 - dh) vërtetim nga organet tatimore ku subjekti është i regjistruar, ku vërtetohet se nuk ka detyrime tatimore të pa paguara;
 - e) statutin dhe aktin e themelimit të shoqërisë;
 - ë) vërtetim nga zyra përmbarimore që subjekti nuk është në proces ekzekutimi të detyueshëm pasuror;
 - f) vërtetim që subjekti nuk është në procedura falimentimi;
 - g) certifikata e sigurisë industriale (CSI) nga institucioni përgjegjës për informacionin e klasifikuar në Republikën e Shqipërisë.
 - gj) listën e emrave të punonjësve me funksionet organike përkatëse për të cilët subjekti ka bërë kërkesë pranë Autoritetit përgjegjës për Sigurinë e Informacionit të Klasifikuar për pajisjen e tyre me Certifikatën e Sigurisë së Personelit (CSP) në përputhje me legjislacionin në fuqi për informacionin e klasifikuar në Republikën e Shqipërisë.
3. Dokumentat e përmendura në pikën 2 të këtij udhëzimi të jenë origjinale ose kopje të njësuar me origjinalin dhe të jenë të lëshuara brenda tre muajve të fundit nga organet kompetente.
4. Dorëzimi i dokumentacionit nga organet e vlerësimit të konformitetit sipas pikës 2 të këtij udhëzimi bëhet nëpërmjet postës zyrtare/dorazi pranë Autoritetit Kombëtar për Sigurinë Kibernetike.
5. Afati për shqyrtimin e dokumentacionit nga ana e Autoritetit është 30 ditë nga dorëzimi, ku në rast mungese të dokumentacionit, organi i vlerësimit të konformitetit, njoftohet dhe i lihet një afat 15 ditor për plotësimin e mangësive në dokumentacion.
6. Autoriteti kur konstaton mungesë të dokumentacionit të parashikuar në pikën 2 të këtij udhëzimi edhe pas ezaurimit të afatit për përmbushjen e mangësive në

dokumentacion sipas pikës 5 të këtij udhëzimi, kthen përgjigje për mosregjistrimin organit të vlerësimit të konformitetit, si dhe arsyet përkatëse.

7. Autoriteti kur konstaton plotësimin e kriterëve sipas këtij udhëzimi, regjistron subjektin të ushtrisë veprimtarinë si organ i vlerësimit të konformitetit si dhe e njofton atë brenda 7 ditësh për regjistrimin e tij.
8. Lista e organeve të vlerësimit të konformitetit për sigurinë kibernetike miratohet me urdhër të Drejtorit të Përgjithshëm dhe publikohet në faqen zyrtare të autoritetit.
9. Ngarkohet Autoriteti Kombëtar për Sigurinë Kibernetike për zbatimin e këtij udhëzimi.

DREJTOR I PËRGJITHSHËM

IGLI TAFA

